



A G L A I T

Lukko

I L L U N A I N O R T U T .



— (0 3) —



Nr. 6

Nain, August 1902.

Nr. 6

Aglait kujalitiks at Moskitomit pijut.

Aujak aglangnik pilaurama illunapsingnut aijunuk tussartipapse māña tamakkoninga ablatsångorterkärlugit okausipsingnut. Aglaktok tagva Friderich Thomas, Allat angajokångita illangata erninga, kivganjok illagene Bluefieldseme. Aglangit tukkisinarkovlugit okautivapse, Bluefieldseme Missionekalerémat jårit 50git nãvlugit, kattimavikalerelaungmallo taikane sivorngane. Kattimavik taimna seña jaulauk pok akkilertauvluelo Missionemut. Nutãngojungnairmalle mikkiluarmallo illaget Bluefieldsemëtut kattimaviliulaukput jarine kangitainartune nutãmik, nangminek akkilerasuarlugo, ikajortauunik Missionemut. Taimaimat okartokarpok: „Kattimaviliortainarpogut nangminek.” Nakkudlarpok illavut sunatnarnut ikajortautsialaungmatta, kattimavik nutak akkekarmat shillingetut 41000tut. Tapkonangat 25000 akkilertauulerput, aniakungit pørtaujariakarpusulle. Novembereme 10me akãne kattimavik attortautainalauk-pok.

Aglaktok illiniarvik pivlugo okausekarmat, kajitipapse, Nikaraguamiut attaniojut māña Moskitome Katolikeong-

matta. Taimaimat illaptingnik Evangeliumiunik pagvisa-
rasuarput sunatuinatigut, illúnaita Katolikingortitsomav-
lugit, ajornangipat. Taimak pitjutekarlutik nokartitsi-
vuttank Evangeliumiut illiniarvinganik.

A. M.

Bluefields Febr. 8. 1902.

Katangutiptingnut Labradoremunut.

Omiamut tamánut kujagidlarpapse, tillikliotilaurapsigik
shillingit 123git kattimaviptingnut nutámút illingajuk-
sat. Taisiviolaurapta ajokertortiptingnut Reichelemut
tuñergutipsingnik, kuviasuktitaudlalaupogut, taimaitu-
nik nerrilaulunginapta. Ikpigigititaudlalaupogut illa,
illúnata kitorngaujogut Cudemut illagèmmarigapta
Jésuse Kristuseme. Kattimaviliortainarpogut nangminek
kujalidlarpogullo, kattimavivut pijarèrsimaugmat, ika-
jortautsialaurapta okpertókatiptingnut sunatunaruut.
Taipsomanemit, jàreme 1894me Moskitoniut attaningat
attaneojungnairtitaungmat nunavullo perkutautitau-
laungmat Nikaraguamiunut, taipsomanemit inogutikeat
attoraksallo sunatunait akkitovalliaut nunaptingne.
Kattimavivuttauk akkitonersauvok angijomik issumaka-
laungniptingnit. Taimaimat tuñergutise nakkumarikput.

Illagèngniut tamáne aglivalliaut, kattimaviliorasuar-
pogut aglát assianik sulle Bluefieldseme. Tamaña kuvia-
nartógalloak, kissianele kappianartokadlarivok uvapting-
ne. Måña kappiasummarikpogut kitorngavut pivlugit.
Måña ajokertuijuvut illiniartitsijuvullo Nikaraguamiu-
nut perkojaujungnairput illiniartitsigiamik. Måñaukam-
mek illangut akkilétitaulaupok shillingenik õõnik
pidlartauvlune, inósuktut illangit ajokertulauramigit.

Nikaraguamiut Katolikit illiniarvekartitsigalloarput tamáne kitorngaptingniglo tilliklerkojauvogut tagvunga. Uvagulle angajokaujogut sorrusioniptingne ajokertortiptingnut ajokertortautsialaurapta kaujjaksaujunik, Kristusemiut illusiksanginik, kunuvogut kitorngavut tillivlugit illiniarvingmut, tammarnartunik ajokertuiviojomut. Tamaña okumaigidlarpavut.

Nellonalungilak tesiortaunivut kanok illingajuksautsainarnat ajokertortauniksaptingnut. Taimak uvagut-tauk tukkisivogut kujalijuksauniptingnik angijomik, sivorngane illiniarvekatsialaurapta. Sinaungamèk, kitorngavut taimaitokarungnairmatta.

Nagliktakka kattangutikka, tuksiutilauktiguttók Nálekab kilangmètub sángane. Gúdible nikkansartut tuksiarninginik tussartub piniarvigilitigut tuksiarnivut malliklugit. Tapsoma najutsainarlise najutsainarlutalo; Tápsoma saimaiserlise amigangitomik! Kanitorélungigalloarpogut, illipse nunakarapse Amerikame tachadlerme itjilingme, uvagullo nunakarapta Amerikame ketterdlerme, sullele attauseovogut anernekut.

Salutipapse illúnase,,

Illagénut Bluefieldsemétunut aglakojaungu

F. Thomas, kivegak.

K a u j i j a k s a t.

Umiaksoavut "Harmony,, maggoértorlune kainasuarniarpok nunaptingnut. Aipanganik tikkipat airkárniarpok Ramamut, tagvangallo aungarlune nunavut illúnaita nellipsarviginiarpait. Septemberib nálerningane tikkiniarnerartauvok Ramamut, tikkininganelo nunapsingnut ókkat pañerértuksavut uttakiutigijungnangimagit.

Akãgo Harmonyvut taimãtsainak ingergalãrmangãt nellovogut sulle, agvialuartokangipat taimainajarivok. Angajokãk umiaksoaptingne tagva Joe Charles Jackson, kuviagivavut angersimangmat tagvane angajokãngênaujomavlune, piluarpogulle taimak illagèngniptingnut illingangmat kattangutigigaptigolo. Ika jorsiuik tuksiuti-lugolo, Gúdib sapputjininganik tukkisijungnarkovlugo tamãt, kuviasuklune kivgartorungnarlune uvaptingnik. Senaukat namagijanjungnailaungmatta, ánaunersanik akkitonersaniglo pivogut tamattomane.

Kamit unuktut St. Johnseme niorgutaulungimatta sulle kamingnik tigusiniarko jaungilagut okiome kaijome. Tussartitavoguttauk kamiktangita anginingit tagvane namagijaungalloarmatta, allungille mikkigijaukattarput-gók skúnat ittigakilakattangimatta. Kaminiik tigusijungnanginipitingne agviartaungilase tapkoa aulailugit.

Kissit kausertillugit kaitaujungnarivut, imãk akkekarlutik: terigluk (ukjuãrsuk) \$ 1.20, kairoliahtok \$ 1.00, angajokpaluk 50 upvalo 60 cent, kairolãk 40 cent, netsek 20 cent.

Tingmiat merkungit sunatuinait kunikullo tigujaungênarniarput niuverviptione. Merkutuinaut pound attausek 15 centetõrniarput, kunikullo (mitiub) 40 ¢.

Tuksiarutsit mãñamit 40 centetõrniarput.

C. Schmitt.

Sillaksoarme mãña unatadlarnekarungnairmat naku-dlarpok. Englisit Boerillo ullapirsautekatuinaungilat, mãñale sungiutitigênasuarput ikajortigèklutiglo. Kiksarluta tussarkauvogut, attanivut Edua niakosertau-nasualernermine kanimamut pi jaungmat. Gúdib attanivut sapputiliuktók!